

**AKT THEMELIMI  
SHOQËRIA TREGTARE ME PËRGJEGJËSI TË KUFIZUAR  
"TRUSTED ADVISOR"**

Sot në Tiranë, më 17.04.2024, bazuar në legjislacionin shqiptar, me vullnetin tonë të lirë, jemi shprehur në nënshkrimin si ortak themelues dhe deklarojmë se kemi përpiluar si më poshtë Aktin e Themelimit të Shoqërisë me Përgjegjësi të Kufizuar të emërtuar **"TRUSTED ADVISOR"**.

Unë ortaku Ramiz Kamani, i datëlindjes 01.08.1966, i identifikuar nëpërmjet letërnjoftimit me numër personal G60801101J, madhor, me zotësi të plotë juridike për të vepruar:

Unë ortaku Marjeta Kamani, i datëlindjes 25.05.1973, e identifikuar nëpërmjet letërnjoftimit me numër personal, H35525103G, madhore, me zotësi të plotë juridike për të vepruar:

**THEMELIMI**

**Neni 1**

Themelohet Shoqëria tregtare "TRUSTED ADVISOR", e cila do të nënshtrohet legjislacionit të Republikës së Shqipërisë në fuqi. Shoqëria do të ushtrojë veprimtarinë e saj në bazë të këtij Akti Themelimi dhe Statutit të Shoqërisë.

**SELIA E SHOQËRISË**

**Neni 2**

Selia e shoqërisë tregtare "TRUSTED ADVISOR" do të jetë në adresën: Rruga Beqir Luga, Nd.6/1, Shkalla 1, Ap.40, Njesia Bashkiake Nr.2, TIRANË.

**Neni 3**

Shoqëria tregtare mund ta ushtrojë veprimtarinë e saj në të gjithë juridiksionin territorial të Republikës së Shqipërisë, si dhe jashtë shtetit.

Shoqëria mund të krijojë seli, filiale, agjensi dhe përfaqësi si në qytete të tjera të Shqipërisë dhe jashtë saj.

Njësitë vartëse të shoqërisë jashtë shtetit do të krijohen nëse kjo e drejtë parashikohet dhe lejohet nga legjislacioni i vendeve të huaja, normat e së drejtës ndërkombëtare dhe parimet e reciprocitetit tregtar mes vendeve të ndryshme.

**OBJEKTI I SHOQËRISË**

**Neni 4**

Shoqëria tregtare krijohet për të ushtruar aktivitetin e saj tregtar me objekt:

Auditim ligjor i pasqyrave financiare, shërbime të rishikimit dhe të dhënies së sigurisë dhe të shërbimeve të lidhura. Mbatje kontabiliteti dhe mbyllje bilanci, përgatitje e pasqyrave financiare individuale ose të konsoliduara.

Trajnime të formimit profesional - Kontabilitet praktik, si dhe kurse praktike në përdorimin e programeve Financiare - Financa 5; Alpha Business dhe Bilanci.

Shërbime të auditimit të brendshëm për implementimin dhe funksionimin e sistemeve të kontrollit të brendshëm në shoqëritë që e kanë të domosdoshëm pavarësinë e këtij funksioni dhe nevojën për përmirësimin e biznesit.

Konsulencë fiskale dhe ligjore në fushën e tatimeve dhe taksave. Përgatitja e planeve të biznesit për aplikime të huamarrjes në banka.


Kryerja e ekspertizës kontabël dhe raporte vlerësimi profesionale të kërkuara pranë Gjykatave, institucioneve të tjera publike dhe private, si dhe falimentimin e shoqërive tregëtare.

**Neni 5**

Me vendim të organeve vendimarrëse të shoqërisë, Shoqëria mund të zgjerojë aktivitetin e saj tregtar edhe në drejtime të tjera, kur ato janë në interes të mbarëvajtjes së aktivitetit të shoqërisë.

**KAPITALI I SHOQËRISË**

**Neni 6**



Kapitali themeltar i shoqërisë është 1,000,000 (Njëmilion lekë), kapital i cili formohet dhe do të jetë në vlerë monetare. Pjesëmarrja e themeluesve në kapitalin e shoqërisë është në përputhje me kontributet e tyre të mëposhtme:

1. Ortaku themelues Ramiz KAMANI zotërues i 1(një) kuote me vlerë të përgjithshme 800,000 Lek që përbën 80 % të kapitalit themeltar të shoqërisë.

2. Ortaku themelues Marjeta KAMANI zotërues i 1(një) kuote me vlerë të përgjithshme 200,000 Lek që përbën 20 % të kapitalit themeltar të shoqërisë.

Shuma e kapitalit themeltar do të depozitohet në një llogari bankare në emër të shoqërisë në një prej bankave të nivelit të dytë që zhvillojnë aktivitetin në Republikën e Shqipërisë

#### KOHËZGJATJA E SHOQËRISË

##### Neni 7

Kohëzgjatja e ushtrimit të veprimtarisë së shoqërisë është pa afat dhe fillon nga data e regjistrimit të saj si person juridik pranë Qendrës Kombëtare të Biznesit.

Asambleja e Përgjithshme e ortakëve ka të drejtë të ndryshojë me vendim kohëzgjatjen e ushtrimit të veprimtarisë dhe ky vendim depozitohet menjëherë pranë Qendrës Kombëtare të Biznesit

#### DREJTIMI I SHOQËRISË

##### Neni 8

Veprimtaria e shoqërisë tregtare "TRUSTED ADVISOR" do të drejtohet nga Administratori i saj Z.Ramiz KAMANI për një periudhë 5-vjeçare, me të drejtë rizgjedhje.

Asambleja e Përgjithshme e ortakëve ka të drejtë të emerojë një administrator tjetër, nëse e gykon të nevojshme.

##### Neni 9

Administratori i shoqërisë ka të drejtë të punësojë persona të ndryshëm në funksion të zhvillimit të veprimtarisë së shoqërisë

##### Neni 10

Shoqëria tregtare "TRUSTED ADVISOR" do të ketë vulën e saj, në të cilën shkruhet emërtimi i shoqërisë.

##### Neni 11

Shoqëria tregtare "TRUSTED ADVISOR" deklarohet e krijuar në zbatim të plotë të normave të statutit dhe në përputhje me kërkesat e legjislacionit shqiptar në fuqi.

Ky akt themelimi u përpilua në gjuhën shqipe dhe miratohet prej ortakëve duke u nënshkruar si më poshtë:

#### THEMELUESIT E SHOQËRISË TREGTARE "TRUSTED ADVISOR" SHPK

#### ORTAKËT

Ramiz KAMANI

Marjeta KAMANI

( Ramiz Kamani )



( Marjeta Kamani )

